

單士元 編

紫禁城出版社

清代建築年表

二

單士元集 第三卷



第三卷

清代建築年表

二

單士元 編

單嘉玖

李變平

整理

李變平 輯補

仁宗

嘉慶元年 丙辰 一七九六

二月

建陝西貴德廳文廟。

《清仁宗實錄》：嘉慶元年二月辛巳，禮部議覆陝西巡撫秦承恩疏，請添建貴德廳文廟，應如所請，從之。

《東華續錄》：嘉慶元年二月辛巳，建甘肅貴德廳文廟。

十一月

建豐汛河神廟。

《清高宗實錄》：嘉慶元年十一月丙辰，敕諭曰：蘇陵阿等奏，豐汛漫工合龍堵閉一摺……前已降旨，令該督撫等於工竣後，在合龍處所建蓋河神廟，著即將匾對尺寸進呈，候朕親書發往，用昭靈貺。建獎忠祠。

嘉慶《會典事例》卷三六六《禮部群祀》：嘉慶元年，建獎忠祠於東華門外。
修湖北荊州府關帝廟。

嘉慶《會典事例》卷六六四《工部壇廟》：嘉慶元年奏准，湖北荊州府城內關帝廟旁右衛署中，挖有神砲八十餘尊，大小砲子三萬一千餘顆，奉旨飭修關帝廟，頒給御書聯匾。

【補】重修盛京頤和殿、迪光殿直房、角門、南紅牆、果房等。

光緒《會典事例》卷九五八《盛京宮殿》：嘉慶元年，重修頤和殿前東西直房，迪光殿前東西角門及直房。武功坊外南紅牆並果房。

嘉慶 二年 丁巳 一七九七

二月

【補】著建豐汛河神廟。

《清高宗實錄》：嘉慶二年二月癸酉，敕諭曰，李奉翰等奏，豐汛漫工合龍穩固一摺……著發頭號藏香二十枝，敬謹祀謝神床，並即於該處相地建蓋祠宇，供奉神牌，應照陶莊河神廟內神牌字樣、尺寸。

三月

【補】定東、西陵昭、穆。

《清高宗實錄》：嘉慶二年三月乙卯，敕諭，前經降旨，以嗣後萬年吉地當各依昭穆次序在東陵、西陵界內分建，不必另卜他處，但堪輿術士第多立異邀功之習，所言最不可信……萬世子孫皆當以為法，庶不為形家所惑，且遵化、易州兩處山川靈秀寬廣，其中吉地甚多，我子孫務須恪遵前訓，永垂法守。

五月

修明孝陵。

《清仁宗實錄》：嘉慶二年五月乙巳，修明孝陵。

《東華錄》嘉慶二年五月乙巳，修明太祖陵。

十月

乾清宮、交泰殿災。

《清高宗實錄》：嘉慶二年十月丁巳，敕諭……茲於本月二十一日，乾清宮、交泰殿災……二十一日晚間火起時，勢甚猛烈，坤寧宮前簷已為熏灼所及，幸賴西北風起，而大臣等統率官員、兵役汲水救護，得保無虞。

《清仁宗實錄》：嘉慶二年冬十月丙辰，是日，乾清宮、交泰殿災。

丁巳，諭內閣：內務府大臣將失火延燒之太監，及失於稽察之總管首領太監等分別治罪一摺，宮禁重地，該太監等不能小心看守，以致失火延燒，獲罪甚重，本應照擬嚴辦。朕仰體上天好生之德，量予從寬，所有原擬絞決之太監郝士通，著改為應絞監候秋後處決；原擬絞候之首領太監張士太、劉順、王進祿，著免死，發往黑龍江，給索倫達呼爾為奴；原擬發遣之散眾太監二十二名，均著免其發遣，此內李從祥、孫天成二名，系專管東暖閣之人，著重責四十板，發往吳甸釗草三年；張寬等二十名，俱重責四十板，交總管分撥當差效力；至專管之總太監顧進朝，著革去總管，仍回瀛台，在太監上當差，並罰錢糧六年；總管太監肖得祿、張進喜、劉得芳、佟安、佟玉明，雖均系總管，究非專司，俱免其革去頂帶，仍各罰錢糧四年，以示薄懲。尋又命軍機大臣傳諭刑部：將太監郝士通發往黑龍江，給打牲烏拉索倫達呼爾為奴。

敕重建乾清宮、交泰殿。

《清高宗實錄》：嘉慶二年十月丁巳，敕諭……茲於本月二十一日，乾清宮、交泰殿災……所有應修工程著該管工大臣等於春融集料興工，即行修葺完善，諸復舊觀。

十一月

修乾清宮、交泰殿、弘德殿、昭仁殿。

《清軍機處檔案》嘉慶二年十一月，軍機處劄：現在乾清宮、交泰殿並弘德、昭仁殿，俱已被災。奉旨於明年春融興工，所有需用料植，應行購辦，天津、通州為商販輳集之區，南來木植必多，為此劄仰該鹽政廳即照單開楠木、柏木、梔木尺寸，購辦送京。

《國朝宮史續編》卷五四：乾清宮之東為昭仁殿，南嚮。聖祖仁皇帝在御時日久寢興之溫室也……嘉慶二年重建。

《國朝宮史續編》卷五四：乾清宮之西為弘德殿，南嚮，殿內匾曰奉三無私，皇上傳膳辦事處也。嘉慶二年重建。

嘉慶《會典事例》卷六六二：嘉慶二年，奉太上皇帝敕旨，重修乾清宮並乾清宮左右之昭仁殿、宏德殿。

重建交泰殿。

《國朝宮史續編》卷五四：乾清宮後正中為交泰殿，滲金圓頂，制如中和殿，嘉慶二年重建。

嘉慶《會典事例》卷六六二《工部宮殿》：嘉慶二年重建交泰殿。

修理宮殿各工。

嘉慶《內務府奏銷檔》：嘉慶二年，修理宮殿各工，一、養心殿、位育齋等處工程，銀一萬三千六百六十七兩九錢六分三釐；一、奉宸苑北海龍澤亭工程，五成銀九百七十八兩九錢二分六釐，五成錢九百七十八串九百二十六文；一、南苑德壽寺工程，銀二千九十四兩三錢四分三釐，五成錢二千九十四串三百四十三文；一、南苑永慕寺工程，五成銀三百三十六兩七錢四分三釐，五成錢三百三十六串七百四十二文；一、奉宸苑南海素尚齋工程，五成銀九百七十五兩七錢六分八釐，五成錢九百七十五串七百六十八文；一、妙應寺等工，五成銀八百五十九兩二錢六分八釐，五成錢八百五十九串二百六十六文；一、淨圓明園暗溝等工，五成銀三百四十八兩七錢六分六釐，五成錢三百四十八串七百六十六文；一、奉宸苑南北海流水音、方亭等工程，共銀二萬五千二百五十七兩三錢二分八釐；一、南苑元靈宮並佛龕等工，共銀二萬六千六百十九兩九錢九分三釐；一、方壺勝境拆修馬頭，銀二千九百五十五兩九錢九分；一、皆春閣添建殿宇工程，銀三萬九千六百五十一兩四錢七分一釐；一、澄心堂添建、修平台、遊廊，銀三千一百八十三兩七錢三分九釐；一、福園東南所粘修房間工程，銀七千二百六十二兩七錢九分六釐；一、神武門外庫房諸房間工程，二千四百七十一兩八錢二分三釐，五成銀一千二百三十五兩九錢一分一釐五毫，錢一千二百三十五串九百一十一文；一、清漪園、靜明園澹寧堂等座工程，共銀六萬五千一百八十三兩一錢一分一釐；一、靜宜園遲雲館等工，五成銀三千〇百十九兩二分九釐，五成錢三千四百十九串二十九文。

重修關雎、永福等宮。

嘉慶《會典事例》卷七二二《盛京工部宮殿》：嘉慶二年，重修關雎宮、永福宮、文德坊外堆撥房。重修熱河文廟殿宇房屋。

嘉慶《會典事例》卷六六三《工部壇廟》：嘉慶二年題准，重修熱河文廟殿宇房屋。

重修山東單縣朱大王廟。

嘉慶《會典事例》卷六六四《工部壇廟》：嘉慶二年重修山東單縣助順永寧侯朱大王廟。

建蓋江南豐北廳河神廟。

嘉慶《會典事例》卷六六四《工部壇廟》：嘉慶二年題准，江南豐北廳屬豐汛六堡大工合龍，遵奉諭旨修蓋河神廟一座。

重修浙江會稽縣南鎮廟大殿。

嘉慶《會典事例》卷六六四《工部壇廟》：嘉慶二年重修浙江會稽縣南鎮廟大殿、寢殿等處，並御碑亭。

重修浙江鎮海縣天后廟。

嘉慶《會典事例》卷六六四《工部壇廟》：嘉慶二年，重修浙江鎮海縣天后廟大門、大殿、後殿等房。

雕刻湖南湘鄉東嶽廟佛像。

道光《湘鄉縣誌》：東嶽廟在北城門內觀音堂，嘉慶丁巳，雕刻石岩白石大士石牌坊，並募雕紫石羅漢一堂，甲子，僧復募修。

嘉慶 三年 戊午 一七九八

三月

估修盤山、隆福寺、桃花寺、白澗、大新莊等處行宮。

嘉慶《內務府奏銷檔》：嘉慶三年三月二十日，估修盤山隆福寺等處行宮工料銀摺，和坤、福長安、

盛住奏，估修盤山隆福寺、桃花寺、白澗、大新莊等處行宮殿宇房間工料銀四千七百七十四兩八錢一分。

估修湯泉、南石槽、懷柔縣羅家橋、瑤亭、三家店等處行宮。

嘉慶《內務府奏銷檔》：嘉慶三年三月二十四日，福長安等奏，估修湯泉等處行宮工料銀兩摺：奴才和坤、福長安、盛住奏，估修理湯泉、南石槽、懷柔縣羅家橋、瑤亭、三家店等處行宮殿宇房間工料銀六千一百二十一兩九分八釐、木植銀二千七百三十二兩七錢九分八釐。

十月

重建乾清宮、交泰殿成。

《清高宗實錄》：嘉慶三年十月庚子，太上皇帝以重建乾清宮成，行祀神禮，命議敘管工大臣、官員，並賞資工匠、內監等級匹有差。敕諭，本日朕同皇帝進宮，閱視乾清宮、交泰殿工程，規模巨集整，悉復舊觀，朕心深為嘉悅，自上年臘月擇吉安梁，今歲春融興工，秋仲即告成，並不費採購之繁，辦理妥速，允宜甄敘示獎。

《清仁宗實錄》：嘉慶三年十月庚子，以重建乾清宮，交泰殿成，議敘監修大臣繻布、盛住及在工監督各員，並賞資工匠、內監等級匹有差。

《東華續錄》：嘉慶三年十月戊戌，重建乾清宮、交泰殿工成。

【補】重修盛京衍慶宮及文德、武功坊木柵堆撥。

光緒《會典事例》卷九五八《盛京宮殿》：嘉慶三年，重修衍慶宮，文德、武功二坊木柵，武功坊外堆撥房。

重修福陵隆恩殿等工。

嘉慶《會典事例》卷七二三《盛京工部營造》：嘉慶三年，重修福陵隆恩殿、碑亭前甬路，昭陵西配樓及省牲亭等工。

重修浙江海寧州海神廟、天后廟、水仙閣及御碑亭。

嘉慶《會典事例》卷六六四《工部壇廟》：嘉慶三年，重修浙江海寧州海神廟、天后廟、水仙閣並御碑亭。

【補】建蓋湖南鳳凰、乾州、永綏三廳宣威助順靖遠侯、鎮遠侯、綏遠侯廟。

光緒《會典事例》卷八六六：嘉慶三年，湖南鳳凰、乾州、永綏三廳，建蓋宣威助順靖遠侯、鎮遠侯、綏遠侯廟宇各一。

嘉慶 四年 己未 一七九九

五月

撤盛京夏園。

《清仁宗實錄》：嘉慶四年五月庚辰，諭內閣，據琳寧奏，盛京夏園行宮現已糟舊，請捐廉修理等語。夏園地方嚮來並無行宮，乾隆四十七年，皇考詣盛京謁陵，彼時侍郎德福始於該處添建行宮一所，皇考賞銀一千兩，以為修建之費。仰窺聖意，即以該侍郎添建為非，特因成事不說耳……所有夏園行宮，既經糟舊，著即撤卸，其木料磚瓦等項，即留為盛京宮殿修理工程之用。

七月

拆壽安宮戲台，春禧殿后扮戲樓改建後卷殿。

《清內務府檔案》：嘉慶四年七月初九日，臣永琅、布彥達賚、縵布等謹奏，為奏聞估需銀兩事，前經具奏，遵旨，壽安宮戲台宜於拆去，又擬將春禧殿後扮戲樓，分位改蓋後卷殿五間，燙樣呈覽。奉旨，知道了……戲樓分位改蓋後卷殿一座計五間，內明間面闊一丈七尺，次間各面闊一丈四尺，東、西盡間各面闊一丈二尺三寸，進深一丈八尺，前、後廊各深四尺，簷柱高一丈五尺五寸，徑一尺五寸，八椽卷棚安單翹單昂斗科成造，裝修前金五抹隔扇一槽，支摘窗四槽，橫披五槽，簾架一座，前簷橫眉欄杆五堂；安砌青白石柱頂、埋頭、階條等石；台基明高二尺八寸，礫墩、攔土灰砌舊樣城磚，露明台幫並山牆下肩、墀頭、檻牆細新城磚，上身並背飴糙城磚，裏皮抹飾白灰，廊牆抹飾黃灰，外皮墀頭抹飾紅灰，頭停苦背三層，寬六樣黃色琉璃脊瓦……其拆卸扮戲樓五間木植、磚瓦等項，改蓋後卷殿應用，其拆下三重簷戲台物料，請交同樂園工程處，自行取用。

修裕陵隧道。

《清仁宗實錄》：嘉慶四年七月戊寅，諭軍機大臣等，綿課等奏，裕陵隧道築打灰土，窒礙難行，敬請改用磚砌一摺，覽奏俱悉。隧道地基，上一段在寶城以外，下一段在寶城以內，綿課等以城外者尚可施工，城內者相去寶床甚近，聲勢震響，於心不安，請按照須用灰土之厚薄，改用磚砌，質地堅厚更為得力等語，所慮亦是，即著照所奏辦理。

十月

【補】毓慶宮安設試風旗杆。

《營造司清冊》：嘉慶四年十月初十日，三作首領劉天成口傳，咸福宮試風旗杆拆卸，於本月十五日安設在毓慶宮，為此特傳。拆安試風旗杆實用食糧石匠六工，搭材匠四工，計大製錢五百文，計銀二兩二

錢，油灰一百斤，共用銀二兩二錢五分，大製錢五百文。
裕陵殿宇油畫見新。

《清內務府檔案》：綿課、綿億等奏：查看勝水峪油飾見新工程，開單繪圖進呈……查隆恩殿、寶城、明樓碑、更衣殿、五孔橋。

修葺嶽、鎮、海、瀆廟宇。

嘉慶《會典事例》卷六六四《工部壇廟》：嘉慶四年，詔嶽、鎮、海、瀆廟宇傾頹者，該地方官奏明修葺。

重修山東臨胸縣東鎮廟。

嘉慶《會典事例》卷六六四《工部壇廟》：嘉慶四年，重修山東臨胸縣東鎮廟正殿、寢殿、配殿、碑樓、鐘樓等房。

【補】重修太廟三殿兩廡。

光緒《會典事例》卷八六四：嘉慶四年……重修前、後、中三殿，並兩廡配殿。

嘉慶 五年 庚申 一八〇〇

六月

修江南宿遷縣御制碑。

《清仁宗實錄》：嘉慶五年六月庚申，諭內閣，前據賡音布奏，江南宿遷縣內舊建高宗純皇帝御制碑刻，有傾折之處……茲據費淳查奏，該縣順河集地方，蠲免恩諭碑現系欹傾，側又御制詩碑於乾隆五十六年七月內，被風吹倒傾折……該縣設立御碑，被風吹倒，以致傾折，遲至十年之久，不行修理……所

有此項碑座傾折之處，蘇凌阿在江督任內有年，實難辭咎，費淳於接任後未經查出，亦屬不合，其賠修銀兩，著在蘇凌阿、費淳名下罰令各半分賠。

八月

【補】粘修乾清宮氈棚十二座。

《營造司做法清冊》：嘉慶五年八月初四日，三作首領太監為乾清宮等處舊有坐更氈棚十二座，木植糟朽……內六座各面闊五尺五寸，進深五尺，前面高五尺五寸，後高五尺，內兩山跔拍十二扇，各高五尺五寸寬五尺……後身跔拍六扇各高五尺寬五尺五寸……頂拍六扇寬五尺五寸寬五尺……六座各面闊五尺，進深四尺，前高五尺五寸，後高五尺，內兩山跔拍十二扇，各高五尺五寸，寬五尺，後身跔拍六扇，各高五尺……頂拍六扇，各高五尺寬四尺。

九月

修瑤亭行宮。

《清內務府檔案》：嘉慶五年九月十四日，奉旨將東所宮門內大小房四十七間，遊廊三十二間，垂花門一座，西所照房九間，淨房一間挪至中所補蓋，其後照殿原火燬十七間今改蓋十一間，兩邊圍房原為燬三十二間，今改蓋二十間，減去戲台一座，其餘俱照舊補蓋，東所添建歇山殿三間，四方亭一座……詳細估計得，行宮中所補蓋正殿二座，各計五間，耳殿三座各計三間，照殿十一間，垂花門一座，值房二座，各計七間，圍房二座各計十間，遊廊二座各計三十四間。

重修日壇祭台、神庫、牌坊、具服殿等。

嘉慶《會典事例》卷三五〇《禮部大祀》：嘉慶五年，奏准興修日壇神庫等工。

嘉慶《會典事例》卷六六三《工部宮殿》：嘉慶五年，重修日壇祭台、神庫、牌坊、具服殿並外圍牆垣。

【補】重修地壇皇祇室、祭台、神庫、齋宮、牌樓。

嘉慶《會典事例》卷六六二《工部宮殿》：嘉慶五年，高宗純皇帝升配方澤，重修皇祇室、祭台、神庫、齋宮、牌樓。

【補】修昭陵石牌樓。

光緒《會典事例》卷九六〇《盛京工部陵寢修建》：嘉慶五年諭，石牌樓工程，需用石料，因春融土化，重載難行，約計冬底可運至工所，來春始可開工，著敬謹辦理。

重修京師鼓樓。

嘉慶《清會典事例》卷六六五《工部城垣》：嘉慶五年奏准，重修鼓樓，將正樓內里鑽金柱加添頂樑，抱柱、跨空枋使大木相為聯絡，次年工竣。

重修廣西靈川縣帝堯廟。

嘉慶《會典事例》卷六六四《工部壇廟》：嘉慶五年，重修廣西靈川縣帝堯廟。

【補】《大清一統志》卷四六六：堯廟在靈川縣南堯山……本朝雍正八年修，嘉慶五年重修。

嘉慶 六年

辛酉

一八〇一

五月

重修京師文昌廟成。

《清仁宗實錄》：嘉慶六年五月甲申，諭內閣，京師地安門外舊有明成化年間所建文昌帝君廟宇，久經

傾圮，碑記尚存，特命敬謹重修，現已落成，規模聿煥。朕本日虔申展謁，行九叩禮。

嘉慶《會典事例》卷三六二《禮部群祀》：嘉慶六年，諭，京師地安門外舊有明成化間所建文昌帝君廟宇，久經傾圮，碑記尚存，特命敬謹重修，現已落成，規模聿煥。

嘉慶《會典事例》卷六六三《工部宮殿》：嘉慶六年，遵旨重修地安門外文昌廟大門三間，左、右門各一，正殿三間，東、西配殿各三間……東院具服殿三間，配殿六間。

《大清一統志》卷一：文昌廟在地安門外東，明成化間建，本朝嘉慶六年重修。

十一月

泰陵工程。

《清仁宗實錄》：嘉慶六年十一月丁酉，汪承霈等奏，辦理萬年吉地工程一摺，內稱泰陵方城系臨清磚券，恐日久不免酥城，請將萬年吉地方城改用青白石券等語，陵工應用磚石等料，均有定制，豈容輕為更易……盛住著交部議處。

重修午門。

嘉慶《會典事例》卷六六二《工部宮殿》：嘉慶六年，重修午門。
重修紫禁城齋宮並添建繼德堂後穿堂。

嘉慶《會典事例》卷六六二《工部宮殿》：嘉慶六年，重修齋宮，並添建繼德堂後穿堂一座。
【補】修昭陵牌樓工竣。

光緒《會典事例》九六〇《盛京工部陵寢修建》：嘉慶六年，昭陵石牌樓工竣。

嘉慶 七年 壬戌 一八〇二

四月

改建四公主府第。

嘉慶《內務府奏銷檔》：嘉慶七年四月二十六日，英和等為總管內務府大臣額勒布等奏，改建四公主府第，估需工料銀兩摺：奴才豐紳濟倫、繙布、明德、英和謹奏，為奏聞估需工料銀兩事，前經總管內務府大臣額勒布、蘇楞額、巴寧阿具奏，改建四公主府第所有頭牆宇泥水活計，務於雨水前期趕完，其一切裝修、油畫、裱糊，於八月內一律全行完竣方為妥適，所需物料均應趁時趕辦，先由廣儲司銀庫暫領銀二萬兩……趕辦備料刻期興工。

重修養心殿、儲秀宮、延禧宮及上書房。

嘉慶《會典事例》卷六六二《工部宮殿》：嘉慶七年，重修養心殿、儲秀宮、延禧宮及上書房。

重修重華宮及建福宮。

嘉慶《會典事例》卷六六二《工部宮殿》：嘉慶七年重修重華宮及建福宮。

重建天壇望燈杆。

嘉慶《會典事例》卷六六三《工部宮殿》：嘉慶七年重建天壇南首望燈杆一根，餞木三根，均硃紅油漆。座台夾杆等石，俱照舊式成砌。

嘉慶 八年 癸亥 一八〇三

三月

移建天壇神樂署兩廊官生所建房屋。

《清仁宗實錄》：嘉慶八年三月癸卯，諭內閣，嚮來天壇神樂署兩廊以外空地，有太常寺官生建屋居

住，並租給鋪戶收息，以為貼補當差修理之用，但郊壇重地，理宜內外肅清……惟相沿已久……著照常麟等所請，即令步軍統領、順天府衙門，於天壇外圍牆之外，指定隙地一處，准令各官生等將壇內自建房間移於壇外，仍准其收租貼補。

光緒《會典事例》卷八六六：嘉慶八年奉旨，嚮來天壇神樂署兩廊以外空地，有太常寺官生建屋居住，並租給鋪戶收息，以為貼補當差修理之用，但郊壇重地，理宜內外肅清……惟相沿已久……即令步軍統領順天府衙門，於天壇牆之外，指定隙地一處，准令各官生等將壇內自建房間移於壇外，仍准其收租貼補，鋪戶民人亦可不致失業。

七月

易州太平峪壽陵成。

《清仁宗實錄》：嘉慶八年七月壬寅，諭內閣，易州太平峪系皇考賜朕之吉地，自經始以來，至本年工程甫畢，而皇后在靜安莊暫安已七年之久，今地宮既成，敬仿孝賢純皇后乾隆十七年從靜安莊奉移至聖水峪之例，於十月內移至太平峪地宮，仍如在靜安莊奉安，事同一律。

《東華續錄》：嘉慶八年諭，易州太平峪，系皇考賜朕之地，自經始以來，至本年工程甫畢，而皇后在靜安莊暫安已七年之久，今地宮既成，敬仿孝賢純皇后乾隆十七年從靜安莊奉移至聖水峪之例，於十月內移至太平峪地宮。

八月

修裕陵隆恩殿。

《清仁宗實錄》：嘉慶八年八月辛未，諭內閣，朕於四年痛遭皇考大事，時先期令莊親王綿課，榮郡王綿